

Aðalfundur SÍ 2021 - Lagabreytingartillögur

Lagabreytingartillögur stjórnar SÍ eru þrjár talsins.

Rauður texti bætist við

Gulur yfirstrikaður texti fellur út

Lagabreytingartillaga 1

12. gr. Nefndir

Nefndir starfa á grundvelli laga SÍ og hlíta eigin starfsreglum sem skulu staðfestar af stjórn SÍ. Nefndir starfa á ábyrgð SÍ að undanskilinni siðanefnd sem formaður siðanefndar ber faglega ábyrgð á. Félagið ber fulla og óskoraða fjárhagslega ábyrgð á störfum nefnda. Nefndum er óheimilt að stofna til fjárhagsskuldbindinga nema með heimild stjórnar SÍ. Stjórn félagsins skal halda samráðsfund einu sinni á ári með formönnum nefnda. **Stjórn SÍ skipar fulltrúa í nefndir eftir aðalfund, takist ekki að manna nefndir að fullu.** (Rauður texti bætist við)

Greinin verður því:

Nefndir starfa á grundvelli laga SÍ og hlíta eigin starfsreglum sem skulu staðfestar af stjórn SÍ. Nefndir starfa á ábyrgð SÍ að undanskilinni siðanefnd sem formaður siðanefndar ber faglega ábyrgð á. Félagið ber fulla og óskoraða fjárhagslega ábyrgð á störfum nefnda. Nefndum er óheimilt að stofna til fjárhagsskuldbindinga nema með heimild stjórnar SÍ. Stjórn félagsins skal halda samráðsfund einu sinni á ári með formönnum nefnda. Stjórn SÍ skipar fulltrúa í nefndir eftir aðalfund, takist ekki að manna nefndir að fullu.

Rökstuðningur: Mikilvægt að stjórn geti brugðist við takist ekki að manna nefndir á aðalfundi.



Lagabreytingartillaga 2

6. gr. Aðalfundur

Aðalfundur fer með æðsta vald í málefnum félagsins. Fundinn skal halda í febrúarmánuði (fellur út) aprílmánuði (bætist við) ár hvert. Skal hann auglýstur á heimasíðu félagsins og boðaður félagsmönnum með tölvupósti. Fundarboð skal sent með þriggja vikna fyrirvara hið minnsta miðað við dagsetningu tölvupósts.

Tillögur um lagabreytingar skulu fylgja aðalfundarboði.

Aðalfundur er lögmætur og ályktunarhæfur sé löglega til hans boðað. Kosningar til trúnaðarstarfa og atkvæðagreiðsla um lagabreytingar skulu vera leynilegar komi fram um það tillaga með tveimur meðmælendum. Einfaldur meirihluti ræður í atkvæðagreiðslu nema annað sé tekið fram í lögum.

Stjórn fer með æðsta vald í málefnum félagsins milli aðalfunda.

Greinin verður því:

Aðalfundur fer með æðsta vald í málefnum félagsins. Fundinn skal halda í aprílmánuði ár hvert. Skal hann auglýstur á heimasíðu félagsins og boðaður félagsmönnum með tölvupósti. Fundarboð skal sent með þriggja vikna fyrirvara hið minnsta miðað við dagsetningu tölvupósts. Tillögur um lagabreytingar skulu fylgja aðalfundarboði.

Aðalfundur er lögmætur og ályktunarhæfur sé löglega til hans boðað. Kosningar til trúnaðarstarfa og atkvæðagreiðsla um lagabreytingar skulu vera leynilegar komi fram um það tillaga með tveimur meðmælendum. Einfaldur meirihluti ræður í atkvæðagreiðslu nema annað sé tekið fram í lögum.

Stjórn fer með æðsta vald í málefnum félagsins milli aðalfunda.

Rökstuðningur: Það hefur reynst erfitt að fá ársreikninga endurskoðaða fyrir aðalfundi sem haldnir eru í febrúar. Lítið hefur mátt út af bregða við gerð þeirra, m.a. að fylgja vinnureglum um skoðunarmenn reikninga. Mars mánuður er hugsaður fyrir Sálfræðipingið og því er lagt til að færa aðalfund til apríl ár hvert. Meirihluti félaga innan BHM halda aðalfund í mars eða apríl til að tryggja rúman tíma til að undirbúa aðalfund.

Lagabreytingartillaga 3

(lögð fram sé lagabreytingartillaga 2 samþykkt)

8. gr. Stjórn

Stjórn SÍ skipa 7 fulltrúar: formaður, varaformaður, gjaldkeri og fjórir meðstjórnendur. Kjörtímabil er 2 ár. Formaður skal ekki sitja lengur en tíu ár samfleytt í embætti.

Formaður, varaformaður og gjaldkeri skulu kosnir sérstaklega. Stjórnin skiptir með sér verkum og kýs sér ritara en þó skal formaður eða varaformaður leiða samninganefndir SÍ.

Kjör stjórnar fer fram þannig að á hverju ári skal kjósa hluta stjórnar, þannig að annað hvort ár er kosinn formaður og tveir meðstjórnendur en varaformaður, gjaldkeri og tveir meðstjórnendur hitt árið. Hætti fulltrúi í stjórn á miðju kjörtímabili skal sá sem er kjörinn í staðinn ljúka kjörtímabili þess sem hætti.

Þegar embætti formanns er laust skal auglýsa eftir framboðum til formanns ekki síðar en í fyrstu viku janúar það ár. Framboð til formanns skulu berast félaginu ekki síðar en tveimur vikum síðar og eru þau kynnt félagsmönnum með tölvupósti og á heimasíðu félagsins. Ef fleiri en einn er í framboði til formanns skal kosning fara fram í janúar með rafrænni kosningu meðal allra atkvæðisbærra félagsmanna og niðurstaðan kynnt félagsmönnum í kjölfarið. (bætist við) Framboð til stjórnar, annarra en formanns, (bætist við) skulu berast félaginu ekki síðar en tveimur vikum fyrir aðalfund og eru þau kynnt félagsmönnum með tölvupósti og á heimasíðu félagsins. Ef fleiri en einn er í framboði til hvers embættis skal kosning fara fram með rafrænni kosningu meðal allra atkvæðisbærra félagsmanna fyrir aðalfund og skulu úrslit tilkynnt á aðalfundi. Ef ekkert framboð berst til embættis fyrir aðalfund skal á aðalfundi kallað eftir framboðum til embættis og kosið um það. (bætist við)

Af sjö fulltrúum í stjórn skulu a.m.k. fimm og þar af formaður, varaformaður og gjaldkeri hafa fag- og stéttarfélagsaðild sbr. 3.1.

Um hæfi stjórnarmanna fer eftir efnisreglum hliðstæðum þeim sem eru í II. kafla stjórnsýslulaga nr. 37/1993.

Stjórn SÍ er heimilt að ráða starfsmann til félagsins. Starfsmaður félagsins hefur tillögurétt og málfrelsi á fundum stjórnar. Starfsmaður starfar á ábyrgð stjórnar SÍ.

Stjórn skipar í aðrar trúnaðarstöður en þær sem tilgreindar eru í lögunum.

Greinin verður því:

8. gr. Stjórn

Stjórn SÍ skipa 7 fulltrúar: formaður, varaformaður, gjaldkeri og fjórir meðstjórnendur. Kjörtímabil er 2 ár. Formaður skal ekki sitja lengur en tíu ár samfleytt í embætti.

Formaður, varaformaður og gjaldkeri skulu kosnir sérstaklega. Stjórnin skiptir með sér verkum og kýs sér ritara en þó skal formaður eða varaformaður leiða samninganefndir SÍ.

Kjör stjórnar fer fram þannig að á hverju ári skal kjósa hluta stjórnar, þannig að annað hvort ár er kosinn formaður og tveir meðstjórnendur en varaformaður, gjaldkeri og tveir meðstjórnendur hitt árið. Hætti fulltrúi í stjórn á miðju kjörtímabili skal sá sem er kjörinn í staðinn ljúka kjörtímabili þess sem hætti.

Þegar embætti formanns er laust skal auglýsa eftir framboðum til formanns ekki síðar en í fyrstu viku janúar það ár. Framboð til formanns skulu berast félaginu ekki síðar en tveimur vikum síðar og eru þau kynnt félagsmönnum með tölvupósti og á heimasíðu félagsins. Ef fleiri en einn er í framboði til formanns skal



kosning fara fram í janúar með rafrænni kosningu meðal allra atkvæðisbærra félagsmanna og niðurstaðan kynnt félagsmönnum í kjölfarið. Framboð til stjórnar, annarra en formanns, skulu berast félaginu ekki síðar en tveimur vikum fyrir aðalfund og eru þau kynnt félagsmönnum með tölvupósti og á heimasíðu félagsins. Ef fleiri en einn er í framboði til hvers embættis skal kosning fara fram með rafrænni kosningu meðal allra atkvæðisbærra félagsmanna fyrir aðalfund og skulu úrslit tilkynnt á aðalfundi. Ef ekkert framboð berst til embættis fyrir aðalfund skal á aðalfundi kallað eftir framboðum til embættis og kosið um það.

Af sjö fulltrúum í stjórn skulu a.m.k. fimm og þar af formaður, varaformaður og gjaldkeri hafa fag- og stéttarfélagsaðild sbr. 3.1.

Um hæfi stjórnarmanna fer eftir efnisreglum hliðstæðum þeim sem eru í II. kafla stjórnsýslulaga nr. 37/1993.

Stjórn SÍ er heimilt að ráða starfsmann til félagsins. Starfsmaður félagsins hefur tillögurétt og málfrelsi á fundum stjórnar. Starfsmaður starfar á ábyrgð stjórnar SÍ.

Stjórn skipar í aðrar trúnaðarstöður en þær sem tilgreindar eru í lögunum.

Rökstuðningur: *Formaður er jafnframt starfsmaður félagsins. Hér er lögð til sú breyting að kjör formanns fari fram tímanlega fyrir aðalfund til að koma í veg fyrir að félagið þurfi á sama tíma að greiða laun tveggja formanna. Með því að ljúka kosningu formanns í janúar getur, ef svo ber undir, fráfaraði formaður unnið þriggja mánaða uppsagnarfrest til loka apríl miðað við uppsögn ráðningasamnings í janúar.*